



INATSISARTUT

**Aningaasaqarnermut Akileraartarnermullu
Naalakkersuisoq**

Ulloq: 6. marts 2024
J.nr.: 01.31.06/24-01073

**Aningaasaqarnermut Ataatsimiititaliap ataasinngornermi ulloq 4. marts 2024-mi
aalajangiineranik Naalakkersuisunut ilisimatitsineq.**

**Kissaatiginngisamik meerartaarsinnaangitsut reagensglas atorlugu suliaritittar-
nissaannut ilassutitut aningaasaliissutit. Ataatsimiititaliap suliaa nr. 01.31.06/24-01073.**

”Naalakkersuisut **inassutigaaat**,

- Napparsimasut nunani allani katsorsarneqartarnerat, timikkut nappaatit pillugit konto pingaarnermut 34.11.01-imut aningaasaliissutit 3.000.000 kr.-nik ilaneqassasut.
- Ingerlatsineranut sillimmatit pillugit konto pingaarnermut 20.11.50-imut aningaasaliissutit 1.500.000 kr.-nik ilanngarneqassasut
- Dronning Ingridip Napparsimavissua pillugit konto pingaarnermut 34.11.03-mut aningaasaliissutit 300.000 kr.-nik ilanngarneqassasut
- Napparsimasunut taarsiissutit pillugit konto pingaarnermut 34.01.02-mut aningaasaliissutit 1.200.000 kr.-nik ilanngarneqassasut
- Ingerlatsineranut sillimmatit pillugit konto pingaarnermut 20.11.50-imut oqaasertaliussat nutaat tulluuttut ilanngussaniittut akuerineqassasut.

Aningaasaqarnermut Ataatsimiititaliap oqaaseqaatai apeqqutaalu

Suliamut ilanngussami allassimavoq konto pingaarnermut 20.11.50-ip, ingerlatsineranut sillimmatinut tunngasup, 1,3 mio. kr.-inik appavigineqarnissaa kissaatigineqartoq, kontoli taannarpiaq Naalakkersuisut inassuteqaataat naapertorlugu 1,5 mio. kr.-inik appavigineqassasoq kissaatigineqarluni. Tamanna tunngavigalugu ataatsimiititaliallu naliliinera malillugu iluarsissuteqartoqarnissaa pisariaqarpoq.

IVF aamma ICSI (reagensglas atorlugu ikiorsiineq) atorlugit ikiorserneqarsinnaanermik neqerooruteqartoqarnissaanik Naalakkersuisut isummernissamut tunngavissiaat aallarnerqarpoq. Konto pingaarnermut 22.11.50-imut, ingerlatsineranut sillimmatinut tunngasumut, aamma konto pingaarnermut 34.11.03-mut, Dronning Ingridip Napparsimavissuanut tunngasumut, kiisalu konto pingaarnermut 34.01.02-mut, napparsimasunut taarsiissutitut tunngasumut, missingersuutinut ilanngussani IVF atorlugu ikiorserneqarsinnaaneq kisimi taaneqartoq ataatsimiititaliamit maluginiarneqarpoq.

IVF aamma ICSI atorlugit ikiorserneqarsinnaaneq missingersuutinut ilanngussani pinerit tamaasa pinngitsoorani allassimasariaqartoq ataatsimiititaliaq isumaqarpoq.

Oqaasertaliusseq nr. 2-p, qinnuteqaat una malillugu konto pingaarnermut 20.11.50-imut, ingerlatsinermut sillimmatinut tunngasumut, ilanngunneqartussatut kissaatigineqartup Naalakkersuisunit atorneqarneranik ilisimatinneqartarnissani ataatsimiititaliap qinnutigaa.

Naalakkersuisut isummernissaannut tunngavissiap quppernerani 3-mi ima allassimasoqarpoq:

“Suliniut 2024-mi misiligummik suliniutaasutut isigineqassaaq, 2024-llu qiteqqunnerani nalilersorneqassalluni, matumani 2025-mut Aningaasanut inatsisissap suliarineqar-nissaanut ataavartumik neqeroorutaalersinniarlugu inaarutaasumik siunnersuusiorto-qarnissaa siunertarineqarluni.”

Tassunga atatillugu ataatsimiititaliamit oqaatigineqassaaq UKA2022/UPA2023/82-imut imaluunniit ataatsimiititaliap isumaliutissiissutaani misiligutaasumik suliniummik aallartitsi-nissaa taaneqarsimangimmat, taaneqarlunili ataavartumik neqeroorut pineqartoq. Tamanna ataatsimiititaliamit ima paasineqassava misiligutaasumik suliniummit misilittakkat nassatarisaannik ataavartumik neqerooruteqartoqanngissinnaasoq?

Kiisalu aningaasanut inatsit aqputigalugu siunissami aningaasaliissutaasartussat pillugit Naalakkersuisut qanoq eqqarsaateqarnerisut paasissutissiissutigineqassasoq ataatsimiitita-liamit kissaatigineqarpoq.

Aningaasaqarnermut Ataatsimiititaliap aalajangerana

Siuliani allassimasutut oqaaseqarluni Naalakkersuisut inassuteqaataat ataatsimiititaliamit **akuersissutigineqarput.**

Inussiarnersumik inuulluaqqusillunga

Aasi Chemnitz Narup

Aningaasaqarnermut Akileraartarnermullu Ataatsimiititaliap siulittaasua